



ARIPOTTER

KONT

MASKILILI

kon let. Dé piti zié kléré nan razié a... Boug viré trapé pè. Lapérezité vlopé lespri-y akwedi an vié tjenbwa... Koumanniè, koumanniè, menm ! i fè anni trouvé kò-y, atè isi-ya? Ki model dawa yo té vréyé deyè-y? Kimoun ki fè-y sa? Sa li-menm an fè an lot?

Keksion tounen sochit-dlo nan tet li ...

Konsidiré yo té ba-y ansel kout charm, i tann yan latilié ka koulé, koulé li. Sa té ka rézonnen, woch pliziè fom ek gwochè té ka konyen yonn asou lot, bay désann nan gwo manman lannwit la. Léko san kleté ni létjim té bésé atè a anba lonbraj a!

Éti boukan tala soti?

An tan lontan anndan nannan tjè-y, i té sa jwenn lafos fésé lènmi vizib ek envizib atè, dématé mons avek fidji sourisol, rat gwo kon gargouy, eskopion

Inè-d tan pita, Ti Ari lévé ansel kou blip, pawapò an bidim boukan. Nan doub sans mo a, mésié-dam ek konpanyi ! Kivédi, sa té an model bri lanfè ek anmenmditan yan gwo difé ka payé limiè asou tout plaj a, ek voltijé flanm-difé anchay bagay difòm épi étranj mouté nan siel koulè kolta a. Lamenn pokosion pou kò-y pran douvan! Jik nan fondok li, i chonjé bab i té trapé pli bonnè a. Lé kalté karès nov, lanmen an sen an té pasé tou flo asou ti bout zotey li. Fanm étranj, obidjoul san fidji a, ek vwa-y ki té ka sanm sa ki ta an nanj an, menm bet taa ki té lé ralé-y nan dlo pou sa néyé-y, nan doum lanmè Karayib la.

Anpil tren lakataw soti nan li nò a vini sanblé ansanm épi ta lannuit la, yo té kon kout kannon, ek dot ankò ka lékoté asou lanm ka woulé asou bouden lanmè a; zwézo chanté miaw adan branch an piébwa wo, wo, ki té ka swé lansan blan

pik yo sé pwent frenn lé kavalié a. Atjelman, gad kochon mawon nan bwa santi lodè-y, akwedi yo sé yèn ...

Ki lapriyé i kay vréyé varé boul zespri soti anba loséyan, monté asou latè taa? I ka wè yo, ka tounen-viré bò-y, ansel konpanyi lonbraj jéyan épi fòm moun é dot ankò ka sennen-y. Djol gran gouf yo a ka ouvè pou valé-y kon an sakré bidim chatrou.

Menm lè la, ti-boug anni santi kò-y ka pézé akwedi an vié batiman aveg, varek ka maré, néyé nan sati doum gran savann-glo a...

«Ariiiii! An ti vwa manzel, nef, réyel... siwo miel, rantré andidan nam li. Bouton frédi lévé anlè lapo-y.

I rézonnen andidan bouden-y, wouzé lespri-y épi an losion chawm... I tann li ka souflé kon flit Loriyan....

«Ari, ari, ari Ari! Ari doudou-chéri mwen! An son tanbou woulé vitman-présé kon loraj, i janbé mòn, simen jerm li nan savann, travesé fon, épi plonjé désann adan gouf : A-r-i-Ariiiii!

I konprann anfwà pou anfwà. Perséfòn té viré ankò, li ki té kwè sosiez wez tala akaba ek fè lafimen anwo a... Koté sa!


Tjè-y bat a dé mil alè... Sakré kalté batmanman, mi'm! Wou yo a pli wè a. I koumansé jouré: «Ba-w mil méchwi bourik yo vidé kaka kochon nwè anlè, ba-w mil brochet mouch, ek trann-twa milion tjuis krapo lad pou manjé tou kri, kisasayésa, kisasayésa...

An frégat vini fiksé-y an zyé, anmitan lannuit la.

Éti, vié nonk li Nelson, solda modi a, drivayè an lanmè a, pasé an? konben karavel i koulé?

* * *

Aprézan, mòn la koumansé soukré. Bloooooow! Ari kouté. Bligidip, bligidip! Sa pa an lanbians koulé-glo! I pa wè pan lariviè. Pies ravin! Kon yé a, ni gwo moso tè, anpil woch raché anlè a, yo ka chayé désann, pach bwa sek é fwitaj envizib. Nan gwo lannuit lank lou a, yo ka glinsé vini éti i pran pou rété a. Patat kaka, i ka djélé ! Saperlipopette! Sé bwa tala pa koté pou fè joupa, i di, padan i ka kanpé doubout asou dé janm li.



Wélélé a ka kontinié. Deyè ti mòn a, piébwà ka dégrennen kon chouk bwa-chenn pouri nan bout lotòn. Ès sapé Desdémòn ka ba-y gaz toujou?



Chwa, chwa, chwa ! ou sé di an manj-moun agoulou ka maché adan zeb wo a...

Sanm sa, yo ka ralé anpil gwo kod vini, yo ka siyé bouden asou sab la, tou; yo fè primié bri a chapé; ti bolonm épi chay pwen ougan an pa'a chaché konnet sa ki séré toupré-y, lé bay taa sa maché anmitan fenwè?

Sa yo yé a moun anba ouben sa i ka téré andidan sab akondi djep-masonn

Froup, froup, froup! Froup, froup, froup! yan bra long anpil anpil, san bout, trennen kò-y atè a, an chatrou jéyan té ka lonji gwo bra-y tout londjè li rivé jik nan fondouk sab nwè plaj la.

– Kimoun ou yé, fidji kon kasav rasi, sa i anni tann ? Kijan ou fè rivé asou iouïana caéra sa a, *koté yo ka jwenn zigwann an?*

–Avan, sakaboy réponn épi anchay toupé, kimoun ka kozé ba mwen an?

–Réponn, jako malélivé! Gwo vwa an fenwè a ba-y lod.

– Mwen garé kò mwen, man sé sijé an Péyi ek wa, pli lwen pasé laliman lanmè...

– Ou garé, sa ou di a, wou ki ni fas patati koulè boyé lotbò a? Kisa ou ka fè anmitan nou, ou vini isi-a san kanoa?

Tibray la estébékwé. Sa ki sé kalté non bagay étranj taa, lo mo son ka vibré nan lè a, chanté épi van an?

– Kimoun ou yé, ou konnet mwen, man ka admet sa! Mwen pa sa ayen asou-w.

– Santi ti van an, tibray ki ka palé épi chien, zanmi krapo ek mabouya dlo nan zantray latè. Mwen sé larjil wouj la, woukou a ek pwason glo ka kouri désann gwo mòn alé jwenn gran dlo manman-an.

«Chapé lwen isi-a la, piti ich boyé!» Foukan lwen, lwen nou, an vwa kon sa i soti nan fon an kariè di-y. Zot pa ka wè sa ka suiv li toupatou a?

* * *

Pou sel répons, chatrou jéyan an, bet tet li gwosè Woché Dyanman an, zié kondiré ta kayiman ka kléré kon lè lalin klè, viré nan twou néyé toulitan li a

—Ou palé ba mwen, tiboug kayali a ka poté asou zel li. Sa mwen yé? Ou a wè-y anfwaw menm. Gadé, pa imité ni pipiri ni malfini...

Nan menm balan an, yan piébwaw pwel anlè-y soti nan chouk rivé nan tet, asou tout branch li, anki paret, rasin ka pann anlè-y li té ka fè-y sanm an vié granmoun nanni-nannan bab li blan pasé létjim lanm lanmè, pli klè pasé glo larivière y gwo montany ka fimèn lè yo kolè ...

«Non mwen sé Maskilili! Sé lakoz ou, tjanmay pa konnet mwen pies ankò, manman yo déchouké mwen nan fondok memwè yo. Chapé, ich manman poul-dlo sinon mwen ka dévoré-w tou kri, konsi ou té kochon-bwa.

Aripotter pa brennen ansel zotey. Gran diab nan kont kréyol, yo kriyé Maskilili nan bwa a, kalé djol li, mé i rété ouvè diset lajè, soley la té za ka lévé asou péyi a ...

Zié fennen, tris kon biyé lantèman, kréyati anba bwa dèyè bwa a, anni chapé alé pli vit pasé van an.